

石先生存政並以祝

壽仁

盦吟
州

王仁自署



自序

詩本天籟，本諸自然，超文字不離文字，平生不欲作酬應語，讀古今人詩，自謂不少矣，掩卷拈毫，竟至都無一字，曩者于杭創潮社，于滬創滄社，前遊零落，回首都非，舊作刊行，杳難盡記，行年五十，有時仍作兒時囁語，散秩之稿，不可復追，僅存之詩，不無心血染成者，乃哀爲仁盦吟草，明知兒女情多，風雲氣少，偕之于蟲吟鳥語之儔，豈得併于虎視龍騰之列，覆瓿之譏，知所不免也。

中華民國三十五年十月王仁自識

仁盦吟草

新安王一仁

赴頭篷出診

偕江紹芬江璧達姊弟同行

四月清和陌上平
雲天如畫賞新晴
巾車歷碌頭篷道
初聽鳴蟬第一聲

遙山隱隱動斜暉
地近鹽場艸木肥
憂樂豈關天下計
安危默認個中機

移寓湖濱

愛把雲山作畫圖
或從朋侶或携書
而今消得煩襟否
日領門前十頃湖

賀章太炎六十壽

革命爲頭白天涯
客思深榮名尊國故
孤憤託醫林甲子從頭轉丹

仁風吟卷
二
方午夜尋鉤針通妙締國海有知音

思家

近來怕思家思家不得睡何如保此軀相見有餘味

六言

百歲人生有幾胸中來往千秋未了悲天大願何容閒恨閒愁

悼亡五十五韻

一夢遽然覺回頭廿二年初婚新歲月歸棹舊山川三載羈愁劇者
番別恨牽秋風來海國蘭漿泝江煙耿耿星河夜迢迢曙色邊鵲鴿
同振翻蘇滬憶留連課讀常終夜閒情寄簡編誦書如逝水習楷綴
雲箋迂謹雖同調狂歡未礙禪漆膠原志合松竹比心堅天壤能圓
夢鴛鴦不羨仙情安增浹治痛定反淪連身世偏多感襟懷苦未宣
春申方十載家室已三遷瘡痍形骸累齊盧戰禍延孩提寬寂寞風

雨度纏綿返旆柯城日問安萱室前宴居疑煬毒幽靜念騰騫父老
猶羈旅時艱欲着鞭未安棋局夢又泛武林船初涉彩霞嶺重尋湖
水沿米鹽常惜費風月未摩肩名寺虛偕訪衷懷靜若淵醫林揚舊
著家計誤青氈鬱勃嗟情緒周旋乏俸錢新春逢母喪悲念滿心田
跋涉勞星夜哀傷溢淚澌湖濱欣聚集繭足暫回旋盛夏卿方產驚
濤勢遂燃炸聲轟烈烈歸夢自拳拳變亂乘衰餒流離感播顛葬親
重典節返棹遇連遭弱女傷天逝沉疴繼不痊情天終抱憾恨海永
難填細泝初成病煩勞屬本原風邪雖在表汗法竟難宣痢下疑腸
熱神煩似胃煎不眠形日困少納氣猶全嘔噦如翻膽呻吟不下咽
心神加躁急肢體漸抽掣脈搏朝更變苔容夜轉鮮商醫徒恐急仿
古枉留淹智力真無幸天心總未穿扶陽增滋養液益滯便轉手
第醫術傷心斷藥緣自憐歧路感何用禁方傳符籙知虛誕精神漸

散捐目張疑有說洩脫竟長眠警耗頻相促驚魂儻遂恬家邦危至此兒女幼堪憐了了平生誓茫茫長恨天情難偕白首淚或到黃泉埋骨山雖卜高堂眼尙懸還鄉空有願往事竟成湮玉樹傷塵土牢歌託斷絃委形嗟已矣哀奠祇凄然佛老終相伴悲音佈大千

丁丑大雪節後三日爲先室錦花營葬與七弟濟時攜兒女姪輩遊宿石巖寺

中年哀樂感逡巡况復叢憂積恨身久習無生猶有淚敢因避地竟忘親墳塋相望嗟三世佛刹原知共一輪家國艱危天道在且將活計託微塵

十二月十六日先室圓墓後三日攜兒女避難赴中浚

亂離未暇替人憐襁褓提攜載一船與爾共淪無母國抽刀難斷有情天人間生死終疑問世上風雲豈了緣古往今來只如此漫將哀

淚灑嵐煙

四十初度感懷

半生志願空千古，剩有心香告帝廷。
國難於今悲斷梗，我辰安在歎飄萍。
無妻仍有家爲累，避患都無戶可扃。
寒暑推遷人事異，祇須長醉不須醒。

沉沉歷劫一書生，未是端居恥聖明。
欲以性靈扶大雅，羞將方伎博時名。
由來治亂關前運，了得彭殤豈世情。
癡念補天憑鐵石，倘邀神佑助清平。

中淤

山深水淺說中淤，巖逕猶留太始初。
牛碓幾家旋日月，茅茨是處足畦蔬。
鵝鳴疑是雲間雁，舟窄渾同陸上車。
儘有新安誇俊逸，故鄉遙望獨愁予。

手居

國破妻亡斫地哀江山非復舊樓臺卜居始信湘纍恨萬古牢愁共一胎

勸墓

獵獵朔風吹短髮蕭蕭寒景重羈遲劇憐別墓悽愴日不是常年雪涕時愁對紙灰飄劫燄深量世事益悲思姑嫜泉下如相問憂患頻更意轉癡

由龍鼻頭過青艸嶺

舟過楊口村已入遂昌界拾級青艸嶺兩足試輕快松柏相領首趨步非下拜叢林密茂蔭遙山來萬派想見春秋日勞工紛襁褓藉此造化功爲彼生活賴溪水穿竹流岩石成溝澮鷄犬聲可聞桃源非世外屋牆築堡壘匪勢遂以殺閭里獲乂安至今未焚敗自衛誠有

方鼓勇豈須待繼續雲霧蒙頭額汗飄灑下視水迴環四山如裙帶
情景交胸臆行行竟忘億猶憶居滬杭跬步須車僕今昔非異人奮
足渾無礙因悟勞逸理何曾有定態吾祖居岷畚田獵苦湫隘轉移
平地時已歷千萬載國勢嗟凌夷敵機發光怪華中被兵禍我缺在
器械無力相搏持城市棄如芥避患到山林瑣瑣慚形穢俯仰天地
間油然而生感喟

避難八首

長白山前烽火明心肝倘在肯忘兵一從河北蕞淪喪已感中原苦
戰爭倘聽捷書收寸土頻傳警耗失重城百年大計成牛後鐵血何
由振國聲

濤驚滬海戰書忙安得桃源可避藏漸覺邊防移晉魯翻成地獄說
蘇櫟忠貞有願迴天地民族其如盡醉狂事過不知亡國恨依然歌

舞舊洋場

神州華胄儘堪悲豈意身經末造棋空劫不分秦越地驚心都在日
時時殺機難啓昌明運華屋俄成瓦礫堆鷄犬升騰非異事卽今縮
地愧鬚眉

列強私計總陳陳假手分崩肯帝秦天下需才都競巧世間唯物已
無人此時隔岸聊觀火他日燃眉定及身王道夢中尋樂土桓文霸
業亦沉淪

滄深水復自氤氲隱遁何妨鳥獸羣消息漸沉疑入甕行藏無定且
巢窟鴿原急難能消日遷客悼亡忍憶墳戰奪經時人跡少朝來翻
羨出山雲

流離渾似打包僧救國思然無盡燈烏篆形聲銘骨髓先賢史跡服
胸膺心頭自慰眞長策眼界能寬亦上乘文事武功爭緩急恢宏

宙恐難勝

學書學劍愧粗疏
校獵山前逐兔狐
儘有慈悲哀曠劫
羞將痛哭對窮途
劇憐斗室收三界
何日扁舟泛五湖
誰信黃塵兵革裏
新年隨俗尙呼盧

由來贖武費精英
藏富藏兵未可爭
聚鐵豈甘成大錯
鑄金倘復啓承平
白登終解神州厄
黃土難埋烈士名
寄語東瀛賢哲道
本根枝幹總相榮

聞陳散原張一麐二老殉國

吾言不用舌空捫
烈烈真能起國魂
詩到江河聲不廢
軍稱父老氣猶存
首陽薇蕨猶多事
皂隕遼東早閉門
大節自應懸日月
倘憑後死振乾坤

輓吳備疇航空烈士

升天入地求應遍，九死能招舊國魂。
豺虎磨牙吮人血，男兒淚血滿乾坤。
天關艱危誰定治，安得長河挽涕痕。
行看驅除胡虜日，英雄名終古照乾坤。

閒遣

莊言道德總玄離，塵海紛騰莫管窺。
世俗以緣能造物，人間除愛更無詩。
風雲翕闔闢天下，鵬鷃逍遙各一時。
性理探源終簡易，料量生計未全癡。

夜呼隊

朝乾夕惕應无咎，晨夜呼號欲救亡。
已分神州感搖落，不辭醉臥向沙場。

柯山

耕稼樵漁意盡便，死生流轉總陶然。
千年難了棋枰局，一線初窺艸

昧天龍虎風雲新氣象山川花鳥舊因緣留連不是忘歸路曠劫終
憑一念蠲

誤落

男兒重意氣女子愛虛榮誤落乾坤網終身百不成
誰能超物外畢竟陷塵中浩蕩江湖闊魚龍各化工
禪味非狂狷精誠豈便癡此身原本石何慮更何思
道義無今古陰陽各偶齊靜留差別智靈覺卽菩提

遊寺菴

祥符寺裏僧寥寂破壁頽垣佛受風安得金銀魔力爲人間世洗
窮通
雙修行解證真如懺念低頭莫笑渠尤喜白衣成大士洪流微禹我
其魚

錯喚

鰥魚愁夜永互答聽寒蟬兒女情偏熱呼爺錯喚娘

夏寒

一雨如秋季陰山雪應漫兵戈增世難棉襖怯衣單天地嗟時變蚊蠅訝夜寒愁霖成腹疾腸府易波瀾

臨江仙

賀錯芬于歸

今古乾坤多少事陰陽一氣陶甄千秋女誠久高懸從來夫婦愛何必說纏綿儘有溪山堪着句不因柳色愁眠和鉛詠絮舊花箋風雛鳴有日佳訊定先傳

中秋

歲歲中秋月年年帶恨看欲持天地局終古永團圓

蕭條

蕭條秋氣象習古剩餘香靜裏乾坤大詩中歲月長哀歌空自惜起舞爲誰忙緬憶直鉤釣渭濱豈易量

贈方煒

城市如空谷深秋草木摧抱琴無客至攜筆有人來草篆猶飛舞閒情任俗猜精神須內守眠食上春臺

晤葉元龍卽以贈別

西蜀間關至崎嶇慰所思久睽嗟老大相見問新詩故國多烽火天涯易別離少年幾同學在遠儻無遺

述懷

天運有循環地道分經緯人爲三才中豈得常無謂小人少忌憚賢者懷憂畏所憂在黎元慈悲動心胃汲汲欲何求遑遑竟忘味扶衰俾暢遂噓枯加灌溉抱此徑寸願安知我爲貴秋氣歛羣生春陽澤

萬春神志交融鑄寬閒斷噴氣男兒具精誠寧籍文章蔚

樟潭晚景

烽煙瀟洞此踟躕淺岸澄潭亦麗都一片水波紅灑激夕陽雙塔半
西湖

與嚴

與嚴人同事幾微孰辨先古今悲喜劇宇宙死生船儒佛回耶道星
辰日月天物情多異義貞固有真詮

元龍錄詩見示以此答之

鴻雁五飛未覺寒三年蜀道飽經看時危季廣封侯易世亂文翁化
俗難身退善全非鐵羽急鴻重上肯懷安升沉漫向君平卜他日相
期戴烏冠

警報

警報驚傳徧四隅，九洲同憤欲亡胡。
百夫攢動爭逃死，獨客拘墟自守愚。
三籟氣沉千戶淚，霎時煙閉萬家廚。
已憂珠桂傷生事，懺拜空聞說禁屠。

破空賊鳥白，翱翔飛將無人守。
大荒霹靂聲中騰，烈燄驚憂黃髮養。
剛腸自餘呼吸通，闔闔倘有病瘰問藥方。
滄海汪洋浮一粟，且隨空彈捉迷藏。

鏡象山

避警如魚貫，郊村水竹幽。
山低疏植樹，土瘠自無秋。
野曠牛呼母，河清客掉舟。
與人同患難，家國豈忘憂。

太平洋戰作

洋海茫茫戰陣開，風雲又泝舊瀛迴。
縱橫自逞搏鵬勢，激楚深知奮豈才。
孤島共憐新雨後，蓬山今見規餘哀。
慙無復生人味，應信窮

兵是禍胎

漂血飛猱及歲餘紛紛殺戮當耕鋤鯨鯢倒海掀狂浪獮猥搖山撼
太虛賭命共揮憂世淚吞舟誰念化龍魚安心了悟形骸外猶自焚
香讀道書

輓某備

烈烈寒威急深冬不是春風花千日酒朝暮百年身神道雖多福兒
孫枉費神再來人世上有喜莫愁貧

沙洲遇暴

時危何處不迷津強掠誠難計富貧罵賊由來知小意拋妻還望覓
佳人纏綿病榻風中燭哀感皇天雨後春千古艱難兒女淚要憑眞
氣御風輪

拜靈

風木啣悲到寢門胡兒猶識古皇尊
楮錢焚盡灰仍在萬劫難消愛
父魂

車盤

閩嶺初分界寥天放眼寬
雲山旋鳥道風雨阻車盤
客路經旬日憂懷起百端
晝昏疑薄暮身在萬重巒

崇安

汾水關來一日程
撩人花鳥逗春聲
武夷未到辜遊屐
爲報山靈謝送迎

鉛山

車過鉛山兩似絲
山深五月稻苗遲
中原戰伐何年定
遙望雲天暫展眉

過河口贈陳明初

商場璞士愛明初爲遣江西足米魚國難未蘇民事急得閒鑑習計
然書

雜作

虎門龍爭久歷年江山無恙且陶然羅邱垂釣安天下應信人間有
睡仙

夜夢昭和瘦可驚共憐垂淚勸和平縱橫牙爪須收歛管教蓬瀛劫
後生

連夕山川盡白頭饑鴉入室似營求世間鹽米多于雪洗盡胸中萬
斛愁

秋雨秋風苦憶君時危虎穴念離羣幾時得泛溫溪棹紅燭清樽待
論文

寄陳顯承杭州

總領師干二十年攘夷持節向西川農林厚澤安中外天運璣璇自

不愆

祝將主五八壽

猶幸先人有舊廬足支風雨卅年餘他時得遂遊仙夢握算持籌定

不虛

示七弟濟時

少慕要離受重名中年詞調亦縱橫劇憐舉世成焦土毒霧多因口

舌生

純江精衛

卅載青衫漬淚痕燈殘人靜酒重溫半生早覓安心法隻手難招武

士魂

拚將身世寄書燈竟日咿唔到上層文字有靈能換骨與誰白日證

飛昇

結繩當日消憂患造字臺邊鬼哭聲貝葉文章無是處開天一劃不

須驚

幕天席地資蕭散古往今來貉一邱鎗刀未足了生死此身且逐羣

兒遊

初冬

高秋爽氣日西斜十月霜寒點點凋
梅聲瀾瀾喧清畫雲影重重泛遠槎
牛背牧童閒適樣憑誰寫與畫圖誇

洞口

阿山爽氣新招邀同遊放非關避暑
熱奔走神增旺世本無桃源寇
迫從吾黨跣足巖壑間科頭自駘蕩
兒女寄山林弟兄相依傍盤餐
雖伴給蚊多夜無帳狼虎正縱橫
茫然欲安往

題畫蘭

蘭草幽香溢四隅空山相對勝翻書
宵來明月清如水滿酌消愁亦
自如

寇退

寇退歸蓬華，悽悽覓食勞。高官仍厚祿，苦卒尙征袍。盜賊知艱困，熊羆莫哮咆。室家嗟破碎，且漫醉醇醪。

戰後

衢江橫接閩江喉，劫後尋灰各自愁。戰血似騰空氣穢，冤魂如幻哭聲啾。殘宵燈火幢幢影，大地烽煙淡淡秋。何日平戎能遂願，半生浪說快恩仇。

窮饑富辣非吾分，靜對河山夕照紅。畫角漫天呼戰鬼，疆場黑夜起陰風。愛書難覓新翻本，共渡還留舊斷篷。儼戲鼓喧憂亢旱，時和有望望年豐。

問農問圃亦人情，縱愛詩書莫廢耕。幾見低頭尊盜賊，共憐雪涕勸和平。籲天儘許銷烽鏑，訪舊驚呼半死生。雲海洗兵終有日，築樓高

枕聽灘聲

中流擊楫未忘情劍氣垂虹客論兵三月漫看胡虜陣一時又復漢
家營流亡歸後成新市烟火燔餘得善生欲寫滿懷悲惻意不成隨
便以詩鳴

風日追朝謝戰神鳴蟬如噪苦吟身覆巢完卵無先例掩骼埋髑又
幾人寸寸山河移色澤茫茫海宇盡揚塵荷戈應悔時國路生死由
來俱風囿

欲策治安苦未成胡氛眯眼待澄清百年功業還虛幻一代人才各
性情未必繁榮惡幸運果然轟炸是優生循環浩劫終須解厭聽塵
寰戰伐聲

焦土何因問太虛幾家完整幾邱墟相逢盡道胡兒虐個裏誰明劫
火餘自是生靈均血氣何常族類判親疎杜門却掃無餘事煉魄還

頻讀古書

劍林彈雨亦藏身不必桃源始避秦
三徑尙留松菊盛一椽猶喜歲時新
能安閭里關先德收復山河定有神
等是日星同締造再生鷄犬再生人

感懷

且自東門學種瓜人間爭戰齒還牙
衆生歌哭非無象寰海烽煙要有涯
幸得閑時樹桃李寬留隙地佈桑麻
一餅一繇吾差便萬事隨天莫怨嗟

思與高人對楊論油然詩意滿乾坤
布衣積垢宜捫蝨帝座通靈合叩關
世亂人迷蝴蝶夢時平客散孟嘗門
勝棋敗局從誰認且學維摩淨六根

法會

晤項魏翁劄劄西兄

勝侶相邀約莊嚴意緒多荒
喧法曲慈業寄袈裟紅燭同揮涕諸
天儼止戈十方淨福德 例播陽和

海戰

神風催海戰騰疾命如絲急浪成千佛狂濤湧萬屍古今同一慨宇
宙爾何知齊物真無日昇平總可期
民族爭雄長揮戈挽夕陽橫弧平海嶠飛鏃射天狼黯黯傷王道明
明見曙光四夷賓服日雪涕謝穹蒼

赴王村口舟中作

心安隨處適港窄一舟通管響千灘雨山號萬壑風毒魚嗟道喪呼
吳願甘豐人事勞行役團團笑語同
朝夕知陰晝征途斷後艱層巒分萬派新竹長千竿水激灘聲驟山
深日影寒篷窗無個事靜對一書看

山肴聊佐膳詩酒日縱橫氣壓催戰時和慶更生探風尊李杜屠
狗薄公卿上將揮神筆悠然寰宇率

盤古開新宇時空測愈深孔知齋戰疾佛說去來今美意能延壽哀
絃孰賞吾世間千萬劫都付一沉吟

輓葉吉瑞

持家心力耗談笑失天真世亂傷華髮時危仗故人扶衰無藥餌仙
蛻出風塵束手窮醫術含悽愧隱淪

輓羅斯福

歷規驚先覺橫流見睿圖再修中立法未理請和書似赴靈山約難
測長者車大星嗟遽殞萬里痛黃鱸

時世行

匣中龍劍作雷鳴驚與人間劃不平萬里河山開北極八方風雨會

東京蠅頭各自營名利蝸角何勞問死生苦憶煙瀾漫日啼聲未
必勝書聲

偶成

人類可憐蟲自造蛛蜘蛛陣吐絲毒蟲欲以延生命有生本虛幻呼
吸周四境何爲感勞役天下爲己任移山雖有心守璞原非病風清
月夕時幽賞自然靜

天地大瀟池運行無蹉跌江海蒸爲雲遇冷化霜雪人生有遞遭操
持唯恐失富貴貧賤間茫然難究詰守志貴清貞世風宜劃一君子
坦蕩蕩且莫愁腸結

仲尼夢周公莊周夢蝴蝶意志相縈幻影亦真切人生若醉夢醉
夢原有迹血氣互推蕩幻變何能必離別夢還家貪寐夢偷竊樂至
夢華胥愁來夢荊棘永晝窺萬象殘宵疊千摺徒催鬢髮斑四海通

呼吸

傀儡戲

琴鼓鳴時各擅場儼然袍笏未郎當劇憐面目非真宰似笑人生不久常誰與牽絲分左右任他着眼判炎涼回頭各有妻兒累塵世營營一樣忙

朝日

朝日上東扉生氣彌蓬勃山林足景物聊以供膳宿寰海尙征戰冠帶自蕭索世有棟樑材且喜安吾璞

龍泉晤施漫香

十年離亂各懷思客邸逢君喜可知別後西湖誰是主徧遊南國好吟詩閒窗對月能延壽健筆成方亦濟時人世榮枯真電火浮沉何必問蒼龜

偕趙季和楊公亮品茗濟川橋

微雲淡月又黃昏
天上星辰似可捫
七碗有風生肘腋
層霄無雨潤乾坤
海天戰後烽烟淡
燈火歸途笑語溫
到處鴻泥留與會
他年湖上待重論

訪金叔聞閱風雨龍吟集

龍淵此日見人文
雷雨隆隆向晚聞
會見銅駝哀萬里
儻憑鐵筆掃千軍
心如蕉葉愁同捲
氣似蘭馨近可薰
刻刻乾坤多變幻
豈因吟句動風雲

無題

杏紫桃紅且鬥新
環肥燕瘦各爭春
策身且自先觀我
避虜山來亦後人
旅食尙憐非至計
賦形原是有鴻鈞
溪山勝處堪吟詠
漫爲瘡痍淚滿巾

讀書

讀書豈爲能識字徒爾便便嘲腹笥讀書又豈爲功名富貴于我浮
雲輕孔聖十五志于學陸機二十文飛聲孟荀卓犖匡聖哲仲舒競
競三年成我生已晚無師表青眸一寸千載迎心知狂狷非吾願簡
編歷歷搜精英美哉吾道一以貫浩然正氣充滄瀛學仙學佛等閒
耳莫將外物輕其生讀書明道應自勉錦繡玉帛寧繫情咄嗟蘇季
子歸來情兀兀引錐刺股痛流血

天地本日新人生無隱祕蟲魚鳥獸識其名動植礦類明其意倫常
日用雜百端男兒安得超功利或謂顯微鏡不能窺六氣我道見有
形正可樹一幟陶鈞萬象賴陰陽上者爲道下爲器死生晝夜俱時
空孔丘五十方研易研易復何爲貴能通雅俗誠知今古有遞還線
裝書作洋裝讀

閒述

睡覺饒新意床前書亂堆間門無客至日影入窗來

自題國醫讀本

斯文真作等閒看點竄時驚下筆難應信萬殊歸一理千秋絕業在名山

偶述

吹沙鹿飯終虛說蠶豆爲兵豈笑談但得耕鋤收地利本無名位本無貪

春宜駘蕩冬宜蟄閒愛塗鴉靜愛眠服食由來無異數正須節慾養真天

憑將血淚護山河略地爭城感喟多正恐有爲傷淡泊不妨無事且高歌

贈金石齋

乍聽吳語倍情親握手還同傾蓋新
習靜尙留豪士氣相看如對古時人
溪山畫本供摹擬風月佳辰愛隱淪
背山塘猶憶否新亭收泣漫傷神

龍淵雜詠

空明日月蔚藍天淺草平堤樹樹煙
用拙幽居忘作客朝來洗眼愛溪沿

寓周宅

百頭攢動往來頻挈盒提筐事苦辛
靜坐市廛疑出世閒來愛看自然人

山深四月袂衣單夜靜灘聲氣轉寒
歌舞那能興故國一聲河滿淚爛斑

雨後溪山分外嬌人來人往濟川橋
盪胸雲物增奇氣一片帆檣接

遠郊

抗心希古到黃初龍馬生涯豈腐儒自是長生非一訣
先秦金石晉唐書

暇余住天

屈原當日懷忠愛天地何心造楚囚人蟻人山橋兩岸萬家空巷看龍舟

眼明戶戶懸蘄艾耳淨悠悠聽市聲四海尙愁征戰苦一般佳節十方情

一彎眉月照長河淺醉微吟日易過熟李酸梅憐節物詩人從古得閒多

閒街小雨潤如酥一片溪山入畫圖戰亂卽今傷况瘁年豐猶喜見提壺

陶然天地付流形草木山川盡毓靈夜籟無聲人獨立隔溪漁火雨

三星

英雄自古無長策聖哲方知慟劫灰希墨精神原不滅千秋何限死
蒿萊

月影如弓照水溫清時有味是山村臨河築碓灘聲急似浣青衫舊
酒痕

箏琵琶板訴纏綿嘒嘒歌喉態轉鮮畫角描頭嫌小樣鬚髯粉黛自
年年

觀紹興戲

憧憧人影憶關河戎馬倉皇涕淚多風雨未能消戰伐百年從此廢
蓼莪

先君三週忌日作（時爲四月二十七日寄五兄去病七弟濟時）

廣庭禿頂白肌膚非相原無種族殊禪悅離情都有味令人惆悵憶
西湖

贈趙醒吾

百道金黃卵色天斜陽隱隱向前川宵來憶弟不戎寐詩滿心頭月

滿檐

夢魘

夢魘兒時事中年亦屢驚宵深如有影危坐忽無聲犬吠喧千室鷄鳴報五更看看窗紙白睡國不能兵

山行

鳥雀喧清晝征人戀物華深林遮日月急澗走龍蛇目極峯巒秀心忘道路賒籃輿知幾里茅舍見人家

短歌行

山林日夕佳春光彌宇宙古往今來間幾人能不朽有情皆有障無想卽無因山中自太古幾忘人世塵萬方同幅輳列國似連栖口舌有齟齬人事何能齊生涯拙處知真諦心地安時卽故鄉淨洗天河猶燦爛塵封舊卷剩

餘香興酣落筆驚風雨欲驅日月爲文章刪除言筌非無物側身宇宙隨低昂

溫飽念饑寒人情本忠恕白雲解世紛青山澹吾慮

輓范耀雯師

雪夜尋詩憶化工當時蒼舊幾人同百年胡禍燎原日垂老生涯斷梗中秋愛括蒼蠟遊屐死留碑楊振雄風久欽處士修梅鶴道似林逋實不空

贈張通謨書家

橐筆囊書坐困窮艱難吾道古今同盜金未必無齊竊失馬從來有塞翁但使眼中留景物會須腕底起鴻濛唐碑晉拓深磨勵愈見先生洗伐功

聖戰

聖戰由來舊開書宇宙通嘯歌安日月談笑了英雄人物陶融久乾坤翁闢中驚濤嗟失侶一醉與誰同

贈周伯遠兄弟

竭來兩月依仁宇萬石家風與細論輪養高堂足雍睦連枝同氣見溫存溪山門外桃源境草木塘邊夕照村但得昇平邀福佑田園無恙長兒孫

和何悅寬韻

先聖勉耕耘經綸留典籍咿唔有真味豈效孩提泣珠玉遭殃咎爲學貴能積四海尙征戰誰與拯饑溺養此方寸心庶幾免災厄日夕研詩書重興家與國共勵青雲志寧傷髮邊白人生飽憂患涉世如寄客在遠儻不遺鷄鳴風雨夕緬懷古聖賢窮年窺深蹟得時佈雲霓將爲天下澤胸襟日以寬因得師資益大鵬彌天衢一舉振六翮

詞烈水抱

晝永堪爲伴天寒愈保温醞醕能灌頂渴後始稱尊

贈住溪張氏兄弟

百忍家風今尙存住溪人識舊朱門
八千行路觀民德十萬栽山養
富源滴乳泉新春茗熟扶筇句好
故情溫世間棠棣真堪樂我亦鄉
園有弟昆

留別季魯廷

早年學律晚參禪積稿如山盡墨緣
當此亂離思遁世能安耕讀總
關天營生喜有林泉美娛老還饒風
物鮮虔供佛龕樓一角寸心同
禱靖烽煙

趙季和趙醒吾攜肴話別

移樽款語意圓融新雨還兼舊雨同
百歲難逢千日笑一言能悟萬

綠空漫因哺餒譏饒福爲愛雲山試轉蓬聊記征途珍重語一穢時
寄鯉魚風

通猪牡嶺

嶺名猪牡使人愁萬仞天梯喘不休雨後翠梧嬌欲滴風前修竹冷
于秋鳥鳴蟬噪聲愈靜蝶舞蜂飛意自幽夾道松髯高百尺遙山煙
景望中收

住龍道中作

清明時節雨瀟瀟蓬梗安知習坎勞此日籃輿知戰慄懸崖萬仞度
危橋

不愛候門缺罷彈平居篤信友于歡跼踖日夕勤生事羨爾茅茨日

往還

贈李氏兄弟

山深豺薺渾忘暑肯羨人間富貴忙到此却嫌脂粉氣巖溪草木有

餘香

茅舍人家各菜畦
竹林日午聽鷄啼
平生舊有尋山興
不走黃山走住溪

一氣乾坤接混茫
千林萬壑鬱蒼蒼
籃輿臥穩人搖曳
猶是初生在睡床

朝曦初動滿山溫
路轉峯迴又一村
佇立黃泥坪上望
十方雲海洗心魂

百萬流離自可傷
日尋苦語答穹蒼
劇憐洋海驚濤日
莫認山林作故鄉

贈葉恪章

長事工齋明世故少
爲農圃習艱難
玄空有學修仙訣
離坎添功覓古歡
老健尙堪行百里
平生何祇閱千山
杖朝杖國存真抱
莫作尋

常壽者觀

霖雨

山城宿霧夏如春俯仰頻驚劫後身差有狂吟宏氣度須防霖雨損
精神客來愛看鬚髯古日出還欣雲物新膏澤瀾綸天地內郊遊私
喜稻苗勻

南山北山聲隆隆一陣雷聲一陣風室小正愁霉腐密心寬如見歲
時豐洗空塵障消清晝養育羣生賴化工醞釀豈其蒙帝力方知身
在麴盒中

灑遍山川草木榮千村萬籟助詩鳴初聞淅瀝驚宵拆繼轉奔騰動
海鯨銀漢似傾千斛淚天心欲洗十方兵閒窗擁被非無寐勝聽秦
樓玉管聲

紙煙

舊以忘憂號拈來觸鼻香一噓能醒夢三吸勝稱觴裊裊煙猶繞非
非氣轉芳詩成真爾力不待九迴腸

酒

飲者知多少沾唇俱有情三杯通世故一醉是人生月夜飛觴候華
堂對語聲濁醪誰造汝千古氣縱橫

挑水娘

十五華年窈窕娘蓬頭窄袖力如狼不施粉黛汚顏色不愛華裝愛
素裝終朝操作無閒暇滌衣炊爨擔水架腕健多因轉轆轤肩粗豈
爲傷風雅從來無病不工愁那有凝裝上翠樓寄語世間嬌養者莫
將情慾誤從頭

東程禮門

無語相看壁上琴不修不撥有知音七條絃上多哀怨寫出人間萬

里心

遣興

歲月駸駸過知非百感侵春城連夜雨孤榻半宵吟飯罷無餘事詩
成抵萬金平生工感慨着句盡哀音

返衢

溝河十九碓人家放闌行船日未斜兩岸蟬鳴聲不住笑看稻滿土
分花

舟輿歷落長途日錯認遊山作探薇客問爾來何所得費錢十萬買
詩歸

征戰頻年感大荒山河猶是舊時裝勞工血汗詩人淚化作神州萬
里光

濮家園

圓扉雙桂眼中明
深憾營巢久未成
早晚雀喧知作息
一般物我共勞生

桐陰書屋住忘歸
莘莘萋萋葉漸肥
亂後園花零落盡
無言常自對斜暉

睡覺時聞汲井聲
救貧救病似忘兵
蒼天有眼何曾老
自養胸中造物情

舊卷何嫌百遍溫
簡編日夕探真源
者番秋雨梧桐瘦
落葉瀟瀟又滿園

煮雪烹茶樂事新
園林猶是舊丰神
由來人事多遷變
何處還尋舊主人

秋夜

秋夜明河淨
天涯客思生
燈街收晚市
月柝報初更
深巷涼如水
辰

星燦似螢蟲聲吟不斷門意豈談兵

偶述

幾處靈堂聞野哭千家貧戶斷炊煙朝來檢盡寒衣典散作鄰家賣
米錢

一腔家國興亡感疾首填膺淚欲吞偶與老兵談世故瀟瀟涼雨又
黃昏

原子彈

膽落倭夷氣不驕空餘哀慟意偏饒萬家骨肉成灰土仰視浮雲過
碧寥

綠雲適程氏

自幼憐如掌上珠山林舊夢感崎嶇薄匪總爲清貧累厚德還欣世
澤孚日永儻能勸課讀體孺尤望善調扶從來鴻案相莊樂白首追

隨志不渝

十一月十六日先君九旬冥慶

寒月如霜照大千音容如在畫圖前神原不滅超生死魂定能歸慰
凡筵掠地風雲誰遠略接天松鶴自長年時平早晚安窰窰福佑羣
黎豈偶然

輓項華嶽

逢人說項廿餘年垂老心期在佛僊離亂征途嗟歷落涅槃真性解
纏綿木魚鐘磬非當日香楮杯盤尙宛然有子已成螭蛻願西歸去
挂柢隨緣

近事

近事紛紛莫笑渠漫誇文史足三餘大千界有生靈聚百萬家無擔
石儲養志豈其悲棧櫪放懷猶及到黃初堆金誨盜終何裨劫後還

留數卷書

輓周孔慶筌

愛河浪海易波瀾
舊讀騷經感級蘭
故土重光當瞑目
寸心死後尙如丹

村景

鄉村有奇景
秋日白閒閒
明月升東嶺
斜陽動遠山
漁歌聞渚上
樵唱起林端
俯仰今猶古
長吟可駐顏
從容生事足
拙樸得心安
綠樹明清晝
夕陽紅半山
歌聲雲外出
詩意靜中看
物我原齊量
光陰付入還

冬無雪

歲晚豈其愁寂寞
臘殘猶得似三春
一冬無雪天心喜
恐有街頭凍餓人

春節前一日與湘霖梅生及七弟夜話

世業嗟猶在支撐歲幾更民風循舊俗鄉語屬新生
煮茗胸爐煖消寒肺腑清明朝又春節縷縷友于情

乙酉除夕寄肇嘉

日月驚飄忽冬殘燭未殘不眠非守歲念爾客中寒

殘冬

急景凋年候閒窗易落暉深宵人氣靜寒柝雨聲微
兒女燈前語滄桑世上機吾生甘守拙莫使寸心違

題姜卿雲五雲樓詩集

雲山風物助新奇行草淋漓見偉姿總領健兒三百萬
何如清唱幾篇詩

新年

夢覺南窗睡起遲不貪酒肉祇貪詩
胸懷寬處存真樂糖菓杯盤又一
時

述哀寄鴻姪

戰枰收後又斜暉時序翻新願總違
萬里河山空隕涕百年風木再興
悲斂勞苦慕平生德耄老猶留恤
後規剩有鮮民餘痛在側身天地
欲安歸

法事

香楮焚餘鼓鈸喧幽靈繚繞起雲煙
搖鈴互唱超生曲如讀招魂楚
些篇

殘梅

詩平自喜誇身健春倦時驚客款門吟
興未闌清茗熟殘梅和月伴
黃昏

焚鈔吟

料理米鹽瞞瑣瑣
泉刀小劫自堪憐
朝來梓兔窮愁嘆
有客新輸賣藥錢

春酌

連朝苦雨冷翻春
料峭東風感喟頻
夜酌沉沉銷百慮
管教還我醉時真

郊晴

江南三月瀟瀟雨
萬里晴光一日開
河港驟增三尺水
風帆葉葉上流來

成泰藥號開幕

鄒律吹回寒谷春
廣搜草木濟斯民
他時童稚成耆舊
方信乾坤化育神

失竊

玁後勞生淚欲枯，剩餘箱篋又飛鈇。
饑寒未必妨行樂，夜讀詩書氣轉麤。

許靜山五十壽

昔年倭寇相侵日，患難匡扶見性真。
喜有高堂添色笑，更從初度葆金神。
山林城市饒生味，桃李門牆有好春。
着句壽公還自壽，期頤自此展經綸。

感懷

有序

嗟時光之荏苒，感日月之蹉跎。
五十之年，忽然已至。滄桑幾換，
辰宿頻更。滿目山河，洗新亭之涕淚。
填胸塊壘，隨歲序以峻嶒。
橐筆囊書，青衫似舊。傷離別，夢白髮增勞。
賣藥韓康，非貪市隱。行歌屈子，愧湘効沉。
把筆遣懷，藉留鴻爪云爾。

岐黃一脈紹千秋午倦常爲倚枕遊世路險巇爲有我言行慎密自
無尤肝腸沉鬱方能愛歌哭營騰未遣愁生事早知憑氣運事功未
立是真憂

怙恃已亡婆姊在性天淡蕩日初長幽懷時綴安心句精意猶傳起
死方合唱壘簾能度曲驚風鴻雁尙成行金丹別具長生訣兒女都
爲續命湯

弦膠再續剩啼痕信有人間活鼓盆弔月歌風銷客恨解醒醒睡有
詩魂不隨桃李爭穠艷擬籍詩書啓後昆一萬八千空度日筆床硯
盒待重論

不愛茶顛薄酒顛閒來時誦和陶編醫經三折方知困詩到千吟乃
定篇室小芝蘭騰瑞靄歲松柏尙依然養生好悟爐灰義膏火能
明莫自煎

探源文字初何日學到知非祇自疑着句豈無湖海氣沉吟空具古
今悲卅年市隱亦關嬾百代牢愁未了痴燈火有情書卷在滿窗風
雨看殘棋

賀程錫侯遷居

商餘尚有拈毫興市隱何曾厭雜羣淨几明窗新事業莫將身世誤
錢刀

贈汪子佩

剔歷名場萬態更撥弦按指氣和平耳聾尚有傳心語身退徧饒述
古情讀史儼如溫故夢吟詩自足樂餘生宿儒新學都同軌功候由
來老更成

文字功深未易量依依相見話家常談空本自無餘義酬世從知有
錦囊爲問蓬萊水清淺遠窺秦漢意蒼茫朝宗共挹滄江水流澤常

同日月長

君若有中國史紀要及夢遊軒詩文卿

龍眼

不產寒鄉產熱鄉圓如金彈設如房養心可作安神劑溫血堪爲却
老方肉厚積脂甜似蜜舌根有潤啖如狂參芪茸朮真凡品那得同
君氣味長

藕粉

潔似冰肌白似霜好憑纖手作羹湯滋清有味安心腦滑利多功潤
肺腸消渴漸除能入睡煩憂頓解是真忘一杯自適君知否六月清
如雨後涼

懷人詩

龍蛇啓蟄開新運妙舌瀾翻胡適之識小能明非玩物斷章爲學耐
尋思秦庭痛哭終存楚故國重歸合有詩引領燕京勞北望神州文

物賴支持

胡適之

南溟望族舊欽遲湖上相逢歲序移
氣靜自能徵骨健德全何暇惜
形疲海天有願留耆老山水多情繫去思
翰墨流傳徧寰宇閒雲凝
佇載歸時

張靜江

閱世深沉鬢漸華寸縑尺楮足生涯
東南才大今詩伯翰苑名高舊
法家豈有塞翁愁失馬肯從夜雨笑鳴蛙
平居同具亡書歎何日縹
緲又五車

余世園

十年離亂景駸駸千里雲天寄慨深
泄熱自饒桑菊味回春別具桂
薑心師門遺愛猶當日醫法新傳有賞音
同鼓哀弦風味異階前兒
女各如林

丁仲英

河山多故雨纖纖騷雅馳驅老未厭
筆有鋒稜人淡靜詩如行陣律
精嚴畫松儼具蟠龍壯灑翰真同釀蜜甜
寫景傷時歸隱逸倪黃蘇

陸一疇兼

陳鼎丞

朱陸源流總不疑山林清逸久忘疲功深讀易占無咎語妙談空會
有期猛憶西湖携棹日難忘夜燭煮茶時陰陽晝晦如相對秋水長

天繫夢思

在謹人

廣頤闢額又炎翁學養深時萬法通識古儼如周柱史談玄渾異晉
王戎詩開島瘦郊寒外氣養風和日麗中復性自能消劫禍南山霧
豹是真雄

馬一浮

回憶雲山發興新棹歌不厭入湖頻春風夜雨興懷遠濁酒清詞寄
意深急火煮碑猶在眼橫流學古豈謀身荊枝棠棣相輝映垂老知
於骨肉真

五兄雲病

長吉剝肝百感侵留詩歲晚憶題襟書摹搗叔差神似印擬倉翁却
甚沉年壯漫興衰世感時平易動故園心閒來尙想秦嗚咽日暮棲

鴉轉好音

會有搔把癢處時撒鹽飛絮等閒追佇看興學傳家業自昔修詞愛
舊姿能向潮流堅砥柱果然巾幗卽鬚眉起衰却敵終須任氣息強
於百萬師

湯國黎

午日

家家蒲艾滿處處稻苗香診暇饒書味關門慶節觴端居酣紙筆有
客話豺狼世劫原難料平安在守常

遣懷

誰復舊畬到五經依然舊典發新硎清彈妙唱來盲命歷劫餘資引
賊星皎皎尙懸山外月蓬蓬時起雨餘霽守雌守默矧真昧漫寫崔
家百字銘

無侶時還惜酒杯幽人襟袍向誰開桐城自愛之焉也彭澤長歌歸

到來一飯一茶消白晝半晴半雨醺黃梅素靈本帥闡新義欲佈生
芽遍九垓

黑頭寄王應平

遙知藥疾獲平安畫興詩情應未閑春雨幾番彌宇宙可能新竹長
千竿

黃運昌自川歸見贈龍門名茗味殊清絕

鐵索飛橋陡可驚中宵有客話長征靈巖茗味清如許身似蠅蠅頂
上行

河漲

霄壤陰霾密魚龍氣象豪山林三日雨河港半天濤岸並階沿沒船
齊屋脊高急流騰萬馬殘歌欲安逃

留聲機

清於靜院聽繁磬不斷流泉海上琴方盒能傳百國語尖針如刺萬
人心雄疑步馬奔騰勢矯比鸚哥宛轉音辨樂由來知政俗當年季
扎似重臨

靜趣

尋脈臨池飯後茶自憑三指作生涯窗楞佈地成方罍日影穿簷突
齒牙小醉夢魂遊碧落高吟肺腑鬱槎枒此生能積詩千首勝似封
侯領萬家

蚤籠

活躍安知更九洲樊籠膠足欲何求英雄入彀知多少從古功名誤
黑頭

納涼程氏園

嵯峨山麓棲遲候對影晃晃暖茗時楊柳牆陰呼曠月螢穿樹秒動

涼颼雲天空闊開新幕景物蒼茫愛小詩爲有瑟琴歌大雅雍容衫履夜何其

輓戴雨農

少時微賤奮蒿萊革命光中造霸才
昂首風雲方直上碎身巖壑有餘哀
魂歸都化須江淚氣盡深憐困雨臺

隨處名
困雨岩

謗譽紛紛何足

道人生原不許安排

題鹿鳴社稿

風雲月露關天性家國興衰各鉅艱
一榜秀才都及第世間知有鹿鳴山

仁齋吟草

仁盒吟草

全一冊定價壹千貳百元

版權所有

著者 王 一 仁

發行者 仁盒學舍

繕稿者 許 嶽 宗

印刷者 衢州大和印刷局

經售者 勇毅書店

中華民國三十五年十月出版

82.

10/9/72